



14 OCT, 2021

Agihan beras guna mesin automatik bantu ringankan beban golongan memerlukan

Utusan Borneo Sarawak, Malaysia

Page 1 of 2

Agihan beras guna mesin automatik bantu ringankan beban golongan memerlukan

Oleh Adriana Mroon Ambrose

KUALA LUMPUR: Kementerian Pertanian dan Industri Makanan (MAFI) melalui Lembaga Pemasaran Pertanian Persekutuan (FAMA) telah bekerjasama dalam tanggungjawab sosial korporat (CSR) bersama Malaysia External Trade Development Corporation (MATRADE) Vietnam, syarikat PHGLock Vietnam dan Sekretariat Food Bank Malaysia bagi agihan beras menggunakan mesin automatik (Rice ATM Machine).

Program ini selaras dengan tiga ciri #KeluargaMalaysia iaitu keutamaan kerajaan adalah untuk memerangi kemelut kesihatan dan ekonomi, tanpa memandang siapa yang ditimpa musibah.

Usaha memulihkan negara ini akan tercapai dengan terus memupuk, menyemai dan mempertahankan ciri-ciri Keterangkuman (Inclusivity), Kebersamaan (Common Ground) dan Kesyukuran (Contentment) yang rakyat Malaysia miliki.

Ketua Setiausaha MAFI Datuk Haslina Abdul Hamid berkata, syarikat PHGLock Vietnam telah menyumbang sebanyak lima Rice ATM Machine kepada Malaysia.

“Mesin berkonsepkan Automatic Teller Machine (ATM) ini adalah bertujuan



MESIN BERAS: Haslina (tengah) meninjau Rice ATM Machine yang ditempatkan di Rumah Prihatin @ Grand Seasons, Kuala Lumpur.

untuk membantu aktiviti agihan beras kepada golongan yang memerlukan.

“Sekretariat Food Bank Malaysia pula telah diberi mandat untuk mengoperasikan Rice ATM tersebut di lokasi terpilih antaranya di Kuala Lumpur, Johor dan Perak di mana mereka telah pun melaksanakan program

CSR dalam bentuk agihan makanan kepada golongan kurang berkemampuan di Malaysia.”

“Sumbangan mesin ini akan membantu melancarkan aktiviti agihan beras dengan lebih cekap dan efektif,” katanya.

Beliau berkata demikian selepas menyempurnakan

majlis penyerahan Rice ATM kepada pihak Sekretariat Food Bank Malaysia di Rumah Prihatin @ Grand Seasons, Kuala Lumpur.

Jelas Haslina lagi, Rice ATM Machines yang dihasilkan oleh PHGLock Vietnam berkonsepkan ATM untuk membantu aktiviti agihan beras kepada golongan yang

memerlukan.

“Mesin berkapasiti 500kg ini berupaya untuk mengendalikan agihan kepada 200 orang/jam dan hanya memerlukan tenaga kerja minimum untuk memantau pengoperasiannya,” katanya.

Pada majlis sama, Haslina turut menyampaikan sumbangan MAFI Prihatin kepada golongan asnaf yang berdaftar.

Haslina berkata, sejak Januari hingga September yang lalu, seramai 117,033 penerima telah direkodkan menerusi Program MAFI Prihatin di lebih 500 lokasi seluruh negara melibatkan 10 buah jabatan dan agensi di bawah MAFI.

“Manakala sehingga 9 Oktober 2021, pelaksanaan MAFI Prihatin melalui FAMA sahaja telah memberi manfaat kepada 38,874 orang di 206 lokasi seluruh negara dengan jumlah keseluruhan sebanyak 84.61 metrik tan makanan telah disalurkan.

Rumah Prihatin merupakan pusat derma bakti berunsur hotel kebajikan yang pertama di Malaysia dan menyediakan enam inisiatif Wilayah Prihatin seperti perkhidmatan Bilik Penginapan Prihatin, Jejak Prihatin, Khidmat Kesihatan Mental Prihatin, Food Bank Prihatin, Toybank Prihatin dan Dapur Prihatin.



14 OCT, 2021

Agihan beras guna mesin automatik bantu ringankan beban golongan memerlukan

Utusan Borneo Sarawak, Malaysia

Page 2 of 2

SUMMARIES

KUALA LUMPUR: Kementerian Pertanian dan Industri Makanan (MAFI) melalui Lembaga Pemasaran Pertanian Persekutuan (FAMA) telah bekerjasama dalam tanggungjawab sosial korporat (CSR) bersama Malaysia External Trade Development Corporation (MATRADE) Vietnam, syarikat PHGLock Vietnam dan Sekretariat Food Bank Malaysia bagi agihan beras menggunakan mesin automatik (Rice ATM Machine). Program ini selaras dengan tiga ciri #KeluargaMalaysia iaitu keutamaan kerajaan adalah untuk memerangi kemelut kesihatan dan ekonomi, tanpa memandang siapa yang ditimpa musibah.